



Upplýsingaöryggisstefna

Embætti landlæknis

1. Starfsemi embættisins

Embættið starfar í samræmi við lög um landlækni og lýðheilsu nr. 41/2007 og lög um sóttvarnir nr. 40/2026. Aðsetur þess er að Katrínartúni 2 í Reykjavík.

2. Tilgangur með upplýsingaöryggisstefnunni

Þessi upplýsingaöryggisstefna lýsir áherslum embættis landlæknis á upplýsingavernd og örugga meðferð upplýsinga embættisins. Verja þarf upplýsingar fyrir öllum ógnum, innri og ytri, af ásetningi, vegna óhappa eða af slysi. Fagleg vinnubrögð eru lykillinn að árangri og til marks um það er þessi upplýsingaöryggisstefna sett. Innleiðing og framkvæmd stefnunnar er mikilvæg til þess að fullvissa starfsmenn embættisins, notendur þjónustu embættisins og landsmenn alla um heilindi og rétt vinnubrögð í rekstri stofnunarinnar.

3. Umfang

Upplýsingaöryggisstefna tekur til umgengni og vistunar allra upplýsinga í vörslu embættis landlæknis á rafrænu formi, prentuðu, handskrifuðu eða í mæltu máli. Hér er átt við:

- Upplýsingar frá notendum heilbrigðisþjónustunnar sem sendar eru embættinu vegna eftirlits og vöktunar, vinnslu heilbrigðistölfraeði, kvartana o.fl.
- Upplýsingar sem eru eign embættisins og bundnar eignarétti eða háðar hugverkarétti.
- Persónulegar upplýsingar sem tengjast starfsmönnum embættis landlæknis.

Upplýsingaöryggisstefnan tekur jafnframt til húsnæðis og búnaðar þar sem upplýsingar eru meðhöndlaðar eða vistaðar svo og starfsmanna og þjónustuaðila sem hafa aðgang að upplýsingunum.

4. Markmið

Markmið embættis landlæknis með upplýsingaöryggisstefnunni er að:

- Leynd upplýsinga og trúnaði sé viðhaldið í samræmi við lög og reglur þar að lútandi.
- Upplýsingar séu réttar og aðgengilegar þeim sem aðgangsrétt hafa þegar þörf er á.

- c) Upplýsingar séu varðar gegn skemmdum, eyðingu eða uppljóstrun til aðila sem hafa ekki aðgangsrétt, hvort sem er af ásetningu eða vangá.
- d) Að réttum upplýsingum sé miðlað til réttis viðtakanda, á réttum tíma og að þær fari ekki til annarra.
- e) Að áhætta vegna vinnslu (meðferðar) og varðveislu upplýsinga sé innan skilgreindra áhættumarka.

5. Leiðir að markmiðum

Leiðir embættis landlæknis að ofangreindum markmiðum eru að:

- a) Halda skrá yfir upplýsingar og flokka þær eftir mikilvægi trúnaðar, heilleika og tiltækileika.
- b) Greina reglulega með formlegu áhættumati verðmæti upplýsinga, veikleika þeirra og ógnir sem geta stefnt þeim í hættu.
- c) Stjórna áhættu innan skilgreindra marka með því að starfrækja formlegt stjórnkerfi upplýsingaöryggis samkvæmt ÍST ISO/IEC 27001:2022.
- d) Viðhalda stjórnkerfi gæða-og upplýsingaöryggis (skjalfestu stjórnkerfi upplýsingaöryggis) embættisins sem inniheldur verklagsreglur, vinnulýsingar og önnur skjöl vegna meðferðar upplýsinga.
- e) Allir starfsmenn embættisins fái þjálfun og fræðslu um upplýsingaöryggi og ábyrgð þeirra.
- f) Alltaf séu til áreiðanleg og örugglega varðveitt afrit af gögnum og hugbúnaðarkerfum.

6. Ábyrgð

Ábyrgð við framkvæmd og viðhald upplýsingaöryggisstefnu embættis landlæknis skiptist á eftirfarandi hátt:

- a) Landlæknir ber ábyrgð á upplýsingaöryggisstefnunni og er hann ábyrgur fyrir rýni.
- b) Framkvæmdastjórn gerir mönnunaráætlun og áætlun um aðföng til þess að innleiða og reka stjórnkerfið.
- c) Upplýsingaöryggisráð embættisins ber ábyrgð á framkvæmd upplýsingaöryggisstefnunnar.
- d) Allir starfsmenn embættisins bera ábyrgð á að framfylgja stýringum t.d verklagsreglum, vinnulýsingum og öðrum skjölum sem eiga að tryggja framkvæmd upplýsingaöryggis-stefnunnar.
- e) Samstarfsaðilar, verktakar og birgjar bera ábyrgð á að fylgt sé samningsbundnum kröfum sem eiga að tryggja framkvæmd stefnunnar.
- f) Öllum starfsmönnum embættisins ber að vinna samkvæmt upplýsingaöryggisstefnunni. Þeim ber að tilkynna öryggisfrávik/atvik og veikleika sem varða upplýsingaöryggi.
- g) Þeir sem ógna upplýsingaöryggi embættisins af ásettu ráði eiga yfir höfði sér málshöfðun eða aðrar viðeigandi lagalegar aðgerðir.

7. Endurskoðun

Þessi stefna skal endurskoðuð árlega og oftar ef þörf krefur. Það er gert til þess að tryggja að hún samrýmist markmiðum með rekstri embættisins.

8. Samþykki

Samþykkt af framkvæmdastjórn embættis landlæknis.

Reykjavík, 28. apríl 2026

Elísabet Benedikz, settur landlæknir

Lög og reglugerðir:

Sjá [vef embættisins landlæknis](#)